


UKULUBUKA KWA PWILILIKA

 Nacibafye mu musango wakuti nshacishiba necakulanda muno lucelo. Nacikala kunuma kulya pamo na Munyina Egan, kabili Nacumfwa . . .Munyina Neville acilalandapo icintu cimo, kabili acilalolesha ukulola kuli ine. Kabili Nacilanda kuli Munyina Egan, “Bushe alenjita?”

Kabili ena acitila, “Aleita.”

² Kabili nomba Ine ndi pano ukulandapo icintu cimo muno lucelo. Naciba ndetontokanya, lintu Naciba . . .Kapepelesha wamwela kulya, kulya bali . . .ilasenda ishiwi, cimonekafye kwati yena ileenda palya pene ukufumya, lintu ulelanda. Cena cilemoneka kwati kapepelesha wa mwela alesenda ishiwi palya pene.

Ine eflyo nacila umfwa ifyo . . .ubunte lintu Naciba mulya Ndepepelako umwanakashi pali lanya. Kabili naumo uwacipokelela imbila, acilaba ukubikapo umusumba wa ncende iyakutuminako, ukufuma ku mukashi wakwa Dokota. Morrison. Kabili Nalamwebafye ifyo Ncitle, pama pepo yenu yonse, nayandi. Nacibika amaboko yandi pali lanya, kabili nasonta napa nambala, ponse epo yaciba, nokwipusha Mupashi wa Mushilo ukuya ku mwanakashi. Eico Ndetontokanya Naumfwa ico mu musango umo wine nga cakuti Ena aciba nga cacula ifwe twaciba . . .Mwamona? Kabili Nacibikafye ico panshi. Kabili cena limbi caciba ukuti ukuti cibe munshila iyo Shikulu acila fwailamo cena. Mwamona? Cena limbi caciba ukuba bwino mu musango uyo.

³ Kabili nomba Nacumfwa ubunte ubwingi ilyo Naciba mulya, umo umuntu acilalanda ukuti Nkashi Rook aciba . . . Ndecetekela Munyina Neville acilanda ukuti ena alikwata—alikwata kwati ukufulungana kwama tontokanyo. Leken i twikatililefye kuli Lesa palwa ico, ukulaibukishafye ici cintu cimo: Lesa Alishiba Abakwe. Alishiba fyonse palwa bena.

⁴ Bushe muleumfwa bwino uko kunuma? Nga cacutula tamukwete apakwikala, kuliko fimo ifipuna apashikele abantu kuno. Nga mulefwaya kuti mwacinja. Kabili, lekeni tumone, bushe ici ecisoselo icikalamba? [Munyina atila, “Iyo, mukwai.”—Kale.] Ici icili *kuno* ecisoselo icikalamba? Bwino. Twalamona nga cacutula twabula ico icinono. Nga pali ici icili pano, Ica icamaka? Ico calabafye bwino. Kabili inshita shimo shimo Ndomfwa ishiwi ukusasala panono; Ninshimikilako panono. Bushe ico cabako bwino? Bushe mwaumfwa ico bwino?

⁵ Kabili icine cine twibukishe ifi mumapepo. Kabili tulefwaya ulusebo ulwakulongana kwabukata ukufuma mu . . .

Bushe Ine ndelolesha pali Nkashi Rook? Nacitontonkanya ukuti Nacilolesha pali namayo kuno kunuma ulya uwacilamoneka kwati ni ena. Nacitontonkanya ukutila, “Icine cine Nshilelanda ifintu fibili pano.” Nacilalolesha umo uwapalana naena, ukulola kulya kunuma. Ena ali mu Cipatala ca Saint Edward’s.

⁶ Kabili eico, kulya ku Cleveland, Tennessee, kabili pamo pene namu California, twalikwata ukulongana ukwabukata. Shikulu Alipaala apakalamba, kabili nefintu ifingi ifyo Acitile. Kabili tuli abansansa palwa ico. Abansansa ukubwela kuno kwi bumba lyesu, ukupela ulusebo palwa busuma noluse lwakwa Lesa. Iyo e nshila balecitolamo muli Baibebe.

⁷ Naciba Ndetotela Munyina Neville nangu Munyina Beeler pe pepo, umusango acipepelako abantu, kabili—kabili ukwipusha ufwafwilisho noluse. Kabili nga cakutila twalolesha twakonkamo, imwe lyonse, ifintu fyonse ificitika, twalasanga ukuti palipo icintu cimo icituntulu palwa ico. Kabili nombamba lintu Munyina Neville acisa nokuleta aba ba dikoni, nefyaba ngefyo, kuno kucintamba, uku—ukulanda amapalo ayakwa Lesa pa—pa musangulo wa chalichi, Nacumfwa ena alelanda mwipepo lyakwe kuli Lesa, palwa balya abaume, ifyo bena balepepelako umo nomunankwe. Kabili ico cilanenga ukumfwa bwino pakumfwa kakumba uyo uwinga pepelako ba dikoni bakwe, naba dikoni bapepelako kakumba. Lintu mwamona ichalichi cileba mukwikatana kwati ngefyo, ukuba, icintu cimo cilepanga ukwenda. Uyo ine enshila ichalichi cifwile ukubelamo mu mutande. Kabili cena nacimpela ilyano ilyesambililo. Nacilafwaya ukulanda pama palo pa Kadash, kabili napakukana ukumfwa kulusebo lwa nengu, lelo nombamba Nincinja amano yandi, ukuya ku cintu cimbi nombamba.

⁸ Kabili nombamba, ukulola kubundapishi, Ine ninkwatafye ubunte ubunono ubo Ndefwaya ukupela. Naciba nesubilo ilyakuti Nalamona umulumendo wandi, Billy, ukubwela kulya, lelo nakwata ico mwitumba lyakwe.

Kabili Billy aleya alebelako bwino mukulongana, ukucila pafyo aleba. Ali uwamwensho, uwafulwa, kabili ena kuti aeba na bantu, “Oh, kabiyeni nokwikalako panshi. Kabiyeni nokwikalako panshi.” Nokutila, “Nala—Nalamipela icitupa camapepo.” Lelo Nalimona, muli ishi nshiku, kulabako abantu bamo mukulongana abo omfwilafye ubulanda. Nga cakutila takwete ifitupa fyayakupepelwapo ayashele, nombamba ena kuti ababikafye mu muputule ukuti Ine naya nokubapepelako.

⁹ Kabili icintu camusango uyo cacitike ku Chicago, inshita yafumineko. Kabili Ndefwaya ukubelenga ilya kalata nga cakutila aisa ingila. Nshacimumona. Ena tacishiba ukutila Ndeisa muno lucelo, kuno, kabili—kabili nacilafwaya—nacilafwaya kalata. Lelo Nacitontonkanyafye palwa yena

lintu Nacitontonkanya pamalwele ubwingii. Kabili ifi enshila cibebelelemo. Yena ninkalata iyashininkishiwa iyo. . .

Nacilabelenga mwi pepala, (tapali; uwaci Njeba) palya apo ama pepala yalesusha Oral Roberts, pakupepelako umwanakashi uwakwete ubulwele bwa shuka nokufwa. Kabili Ine, nomba nga nemwina Amerika, Na—Nalitemwa uku kutika kumafunde na—nakumuntu uuli mumaka. Lelo Ndetontontkanya ico tacilifye. Ndesunguka nga cakutila bena bali nokuba abacikabila ukulemba, mwipepala, bonse abo Oral Robert apepeleko balyundepwe, lelo ba dokota balikene. Ndesunguka, bena bacipusanya ukucibwessha kunuma pamuku umo, mwamona. Tabafwile ukucita ico. Kabili nomba Ndetontontkanya limbi ukuti ciwa alifipuseneyefye pali bena, ukuti, kabili Lesa alicisuminishe ico, ukuti pa Bushiku bwa Bupingushi bena bakasukilepo pali ico. Lelo Nalishiba pamakana ya bantu abo Oral Roberts apepelako, abo abalefwa, kabili nomba bali bwino.

¹⁰ Eico, mwamona, bena, bena bamucisha cinani. Bali nokupela ulubali lwabo, ulubali ulukalamba, lelo tabali nokupela ulubali lumbi. Nomba, ipepaa lifwile ukulenga icintu bwingi ukwishiba ifyo cila bushiku ifintu filecitika. Nomba Ndetontontkanya ukutila nga cakutila abantunse baba abasakamana palwa umo nomunankwe, nga cakutila umuntu umo aundapwa, ukundapwa ukwine kwine, ipepala lyonse mu United States lifwile lyasenda icakulanda palwa ico. Lelo teti ubete ukucita ico. Iyo. Nga wabula icintu cimo kwati nga cilya kulya, bena kuti bapumya nokuseka pali cena, kabili nokucisusha. Lelo nomba nga kuli icintu cimo icakususha. . . Ico cena ciyafye mukulangisha ukuti ici calo naciipekanya kubupingushi. Icalungama. Kabili kufwile kwaba ubupingushi, kabili takuli inshila yakubutukilamo ico. Kabili bena baleilonganikilafye umulilo pamtwe yabo, nefyaba ngefyo. Kabili ifyaba ifyo—ifyo. . . mukukana ikatana pamo, kufya cetekelwamo ukucita! Ipepala, ifya cetekelwamo ukucita, kwa—kweba icintu bwingi pacintu cimo icisuma nangu icabipa ico icilecitika. Lelo bena balifumako kufyo bacetekelamo ukucita. Kabili lintu bafumako kufyo bacetekelamo ukucita, nomba bena—bena tabali nokubomba pafyo baimininapo bwino.

¹¹ Kabili iyo enshila cena cabelamo namu chalichi. Lintu ichalichi cafumako kufyo cacetekelamo ukucita, cena tekuti cibombe abashila bwino. Ifwe tufwile ukwikala capamo, tufwile ukuba abaanpana capamo. Tufwile twaba abamutima umo kabili abalanda cimo. Nangu, nga teifyo teti tubombe Lesa nangu abantu, kano twaba abamutima umo nokulanda icintu cimo, ukwiminina nefintu twacetekelamo ukucita ifya mu Baibele kabili nefintu ifyo Lesa alanda ico nacilungama. Tufwile ukwiminina nafyo.

¹² Billy aikele mu muputule, mu Chicago, ena . . . Umuntu umo aishile kuli ena, namayo no mulume wakwe, ali nepwalonda kuli bapwapwa, alefwa. Kabili no mukashi wakwe aali mulwele wa bulebe uwali mu mupando wakukunkulusha, kabili ena uwaleesha ukusakamana umuntu uwalefilwa nokwimininako, akwete ipwalonda kuli pwapwa wakwe. Kabili Billy atile kuli ena, atile, “Ine—Ine munjeleleko, mukwai.” Atile, “Ine kuti namipela kadi yakupepelwapo nensansa.” Kabili atile, “Lelo Nshi—Nshikwete nangu imo iishelepo.”

¹³ Kabili ena atile, “Ukuba, nacilungama, we mwana.” Atile, “Ico nacilungama.” Atile, “Twacesha ukwisa kuno, lelo cena tacituwamine ifwe.”

¹⁴ Billy atile, “Nalamyeba ifyo mwalacita.” Atile, “Nalayabula bataata. Kabili Nalabaleta bena muno, kabili Nalaisa bafumya.” Kabili atile, “Lintu Nacita ico, lilya linefye mwapwisha ukumfwa i Mbila yakwe,” atile, “nomba iwe ubule uobe . . . nangu umukashi obe naiwe, nokwingila mukamuputule akanono mulya umo Nalapita, kabili Nalaleka ena apepeleko imwe.”

¹⁵ “Oh,” atile, “uko kututungilila, we mwana. Ico cisuma nganshi.” Mwamona? Kwaliba i—kwaliba imicitile. Mwamona? “Iisuma nganshi. Iyo iyawama.” Mwamona?

¹⁶ Kabili bulya ubushiku, Billy, lintu abwelelemo mulya, kabili ukukana konka cintu alandile, ukuti akwete mulamu wakwe umwaume mulya uwalefuma umulopa mukati muli ba pwapwa. Kabili mulamu wakwe umwanakashi alefuma umulopa mumala, aali nefilonda fya mumala, nabo pamo aishile nabo, mu musango wakuti abafwilisheko ukwingila mukati. Inwe mumone, mulya mu muputule onse mwaliswile, mwamona. Lelo ukupita nokubapepelako bena, twapokelele kalata, ukupitila mu mbokoshi yaba posti offeshi, ukuti ukuti ulya muntu alipola mukupwililika kuli lilya ipwalonda lya muli ba pwapwa bakwe. Umwanakashi, umukashi mu mupando wakukunkulusha, alima, nokulaya alebomba imilimo mubutuntulu nga fintu alecita. Umwaume uwalesuma umulopa mu—muli ba pwapwa, ukufuma ku cantanda bwanga, alipola bwino. Kabili no mukashi wakwe aali bwino ku filonda fyamumala. Bonse bane balipola, palya pene! Ndesunguka nga cakutula amapepala ya lyashi kuti yafwaya ukulemba ifyo. Mwamona? Mwamona? Mwamona? Oh! Lelo Lesa acili ali ni Lesa. Ena acitafye ifintu mu nshila Yakwe Umwine, namwishiba, kabili Aba umusuma nganshi. Tuli nensansa nganshi ukwishiba ukuti Ena ni Lesa.

¹⁷ Twalelanda ulucelo lumbi palwa kwa kashimikila umunono untu twaishiba, ukuti aleya alepitamo, alepepela abalwele nefintu fyonse. Kabili aile nokupepelako umuntu umo mucipatala mu Louisville, bwali bwafya ubwa ntanda bwanga, namayo alifwile. Ulya umuntu umunono atile, “Ukuba, tapali

icakukabilwa. . . Lesa tali. . . Tapali Lesa. Uwinga sunga i Cebo Cakwe.” Atile, “Namusubile amafuta kwati fye—kwati fintu Baibele yalanda. Nga cakutila Tasungile i Cebo Cakwe, Ena te Lesa.” Atile, “Cena ninshi libuukufye.”

¹⁸ Nomba, ico kuti camoneka kwati ngefyo kano iwe walimwishiba Lesa. Ico lubali lwa Malembo, lelo cena tacili conse mu Malembo. Cena caba pabwiminishi bwacicetekelo ubwa umo. Mwamona?

¹⁹ Kabili Naebele umukashi wandi, Natile, “Kwaliba ifintu ifingi ificitika, ifyo Ine naishibafye ukuti eko fyaba. Ine nshishibe ico icili nokucitika kuli ine pampela. Ine limbi kuti naya munshila imoine. Nga cakutila Lesa afumyapo ukuboko Kwakwe ukwaluse pali ine, kuti Naya munshila imoine. Lelo apofye Ena ali nokubika ukuboko Kwakwe ukwaluse nokutungulula pali ine, Ndi nokutwalililapo.” Lelo Naipwishe Meda, Natile, “Ninani uwali mu muputule muli lulya ulucelo panuma ya cimonwa candi ukumona umukashana wandi umunono Sharon?”

²⁰ Ukukonka ico, ubushiku bumo, Nali kwati nalapona umutombo. Naikele pa musebo. Kabili nawishiba ilyashi lyandi ilya cimonwa cakwe, panuma. Kabili Naloleshe, uwaleisa kulubali lwandi, kabili kwaishile umukashana umwaice mu musebo pano mu Jeffersonville, alifye bwino bwino kwati nimu cimonwa cilya. Naiketefye amaboko yandi capamo. Amoneke uwapalana kwati nimucimonwa ica munono wandi Sharon! Ena ali mwanakashi umwaice nomba.

²¹ Kabili panuma yacilya icimonwa lulya ulucelo, lintu cali Mubukata, Ine. . . Ndesubila alenjeba, nabika nokuboko kwakwe pakubeya kwandi, aletila, “Wisakamana palwa ifwe, Billy. Ifwe tuli bwino.” Ine nacilaeshafye ukutila njipaye. Kabili atile, “Wisakamana. Ndaya ukutila tawasakamane nangu cimo nakabili.”

²² Kabili Ine natile, “Ine teti ndaye ico, Hope, pantu Ine—Ine—Ine ndi. . . Ninsakamana. Ine ico teti ncafwilishe.”

²³ Kabili Ine naisile fuma mucimonwa, naiminine mu muputule uwafita. Kabili te cimonwa, tecakutunganya, lelo ukuboko kwakwe kwali pali ine. Kabili ena alempampansha. Natontonkenye, “Lolelako panono. Ici tacili. . .” Nshaishibe nefyaku ciita muli sino nshiku, icimonwa. Ine nacityle ukukupikilwa. Natile, “Ici cili. . . Ukuboko kwakwe kucili palya.” Natile, “Bushe uli pano, Hope?”

²⁴ Ena atile, “Bill, ndaya ine ukuti tawasakamane nakabili palwa ine na Sharon.” Pantu, Ine naciba pampela ya musebo. Naciba uwaipekanya ukuipaya.

Natile, “Ndekulaya.” Kabili ena ankumbatile, noku mpampansha nokuboko kwakwe.

Kabili nomba Ine—Ine natile, “Hope ulikwisa?” Nabulile . . . naumfwile ukwisulamo, mpaka Naikete umunyololo unono mu lubuto nokuutinta. Naile monse, ukufwaya pa cipuna conse, ukumona nga cakutila ena nga aikele palya.

Ena ni Lesa. Abafye ni Lesa ukucilapo, ileelo, nga fintu Ena ali pa Lupili lwa Kupilibuka lintu Mose na Eliya bamoneke. Ena acili ni Lesa.

²⁵ Ifwe limbi kuti twapita mu fingi ifya bwafya nefya kwesha. Ibukishafye, ukuti kuliko Umuntu umo Uwaishiba, alabuusha mu nshila, alacipanga icituntulu. Ine nshishibe icili kunuma yacipembe. Lelo Ine ninjishiba icintu cimo, Ndeya nde enda ukulola kucishibilo cabwite ubukalamba, cila bushiku, ukwesha ukwikalila cilya icicitwa icikalamba ico icili nokucitika ubushiku bumo; lintu Nkamumona Ena, icinso ne cinso, nokulanda ilyashi, “Ukupusuka kukusenamina.” Ubo e bushiku Ndelolela. Ukusha filya fintu fyonse kunuma, ifyo ifyaba, Ine ndefwaya ukutwalililapo fye ukwenda.

²⁶ Ndefwaya lino i hema, apo imwe muli panshi yamakasa yenu, Ndefwaya imwe ukutwalililapofye kucishibilo ca bwite ubuklamba. Conse ico mulecita, ikataneni capamo, mube abamukowa umo ngefyo mwingaba, lelo lyonse nokuboko ukwafungululwa, ukufika nokwikata umuntu umo umbi, uku bengisha bena. Lelo muli cino Icicetekelo ico tulimo nomba ukushimikila kabili mucine ukwimininako kuco, tamufwile ukuselako nangu nipanono kuli Cena. Pantu, nga mwacetekela ine ukuba umubomfi Wakwe, ici butantiko bwakwa Lesa. Lwena talwakatale ukuba ulukalamba. Lwena lonse luli nokubafye ulunono, lyonse efyo lwaba kabili lyonse efyo luli nokuba. Lelo, ibukisheni, cena calilembwa, “Mwitina, mwe mukuni uunono; cena bufwayo bwakwa Wiso ubusuma ukupela imwe Ubufumu.”

²⁷ Nomba, kwaliba ibumba iyama offeshi mu chalichi cesu, ba dikoni, ba trustee, abakalamba besukulu lyapa Mulungu, ba kakumba, ngefyo ichalichi cesu cabikwa mu mutande. Kabili imwe, mwe bantu, nimwe mwasala aba abamu maofeshi noyu kakumba. Ine ndi kacefyafye wa fintu fyonse, ukumona ukutila fileenda bwino, naupela ukupanda amano nefyaba ngefyo. Nimwe mwebasala kakumba wenu, musala naba cetekelwa benu, musala ba dikoni benu, musala uwa mwi ofeshi lyonse ilyaba muno mu chalichi; nimwe, mwe bantu. Kabili mulimo wenu ukwiminina nabo abantu, mwamona, pantu bali nokupanga ifilubo. Bena bantu. Bena bantufye, kabili bali nokupanga ifilubo. Lelo nga cakutila Kateeka wa calo ca United States apanga icilubo, bushe kuti twamutamfya, nga Kateeka? Ifwe tufwile twalabako pali ico nokutwalililapo. Iyoine e nshila iyo tufwile uucitilamo pa chalichi cesu nomba. Naciba ndekutika kuli ena ilyo acilapepa, ama mineti yanono ayapitapo, pali ba dikoni. Kabili nokumfwa kunuma kulya, ubunte, pamwinshi, ukufuma kuli ba abo abacetekelwa, ifyo imwe

nokulanda kumo mwaba. Nomba ikaleni muli uyo musango. Nomba, imwe ba membala mutungilile aba abacetekelwa, ba dikoni, na kakumba. Kabili ibukisheni, ilyo mwabula ici ukuba pamo, ibukisheni ukuti mulimo wakwa ciwa ukumona ukuti ico catobaulwa. Nomba cena efyo lyonse caba kabili efyo lyonse cili nokuba. Lelo imwe mufwile ukutungilila abamumaofeshi benu, kabili uko ekulanda uko Nacilafwaya ukulanda.

²⁸ Kabili nomba Ninkwata pano fimo...ifintu fimo ifilembelwe ifye bumba lyabakalamba muno lucelo, palwa mitingi ya mabumba yabakalamba na maka yabo. Kabili fili nokubikwa pacipampa cama lyashi. Kabili Ninkwata kopi imbi iyakwa Muyina Roberson, uyo uwaba uwaku mupando waba di-...uwaba cetekelwa. Kabili Ninkwata kopi yaka Munyina Collins, Ndetontokanya, uyo uwimininako uwakumupando waba kalamba ba dikoni. Kabili nomba, yonse aya ama offeshi yabikwa umwabela Amalembo, kabili yena yafwile ukukwata amafunde yamu Malembo pafyo bena bafwile ukucita. Eico, abacetekelwa balikwata i ofeshi lyabo beka. Naba dikoni balikwata i ofeshi lyabo beka. Baka tungulula we sukulu lyapa Mulungu balikwata i ofeshi lyabo beka. Kabili kakumba emutwe wamukuni.

²⁹ Nomba, cila limo lyalikwata ifintu ifyaseka. Kabili Ndetontokanya mitingi yenu taifwile ukuba pamo, lelo ifwile ukuba nga cila i ofeshi, pantu ba dikoni tabakwata nangu cimo icakulanda kuba cetekelwa kano bena nabakwata umulimo uwakupela kuli bena. Kabili necapusanako, aba cetekelwa balolesha pafya mpiya nefintu fyabukule; tabakwata icakucita nangu cimo naba dikoni. Ba dikoni niba kapokola bapa chalichi, kabili ninkonkani shakwa kakumba. Kabili abacetekelwa ebasunga fyonse ifipe. Aba cetekelwa tabakata nangu cimo icakucita nafyonse ifya shala ifya bumupashi, kabili naba dikoni tabakwata nangu cimo icakucita nefya mpiya ifyashala. Eico, cifwile ukuba. Bakatungulula we sukuu lyapa Mulungu alolesha pafye sukulu lyapa Mulungu yakwe. Eico Ninkwata fyonse nafiembwa, nafitaipwa, ukubika pacipampa cama lyashi.

³⁰ Kabili tuli nokukwata, mwi fulemu, Isambilisho ichalichi caimininapo, kabili noku Cibika mwi fulemu muno mwine mu chalichi; ico twaimininapo, ifyo—ifyo twacetekelamo ukucita, Isambililo lya chalichi. Nomba, ukuba ichalichi, tufwile twakata isambilisho.

³¹ Tatulengapo ifintu fimo, nokutila, “Ifwe twafika *apa*.” Twaliya nokufika apa, nesenge pamo nomuntu onse, ukutila Lesa ali nokutuleka ifwe ukuya, mu Malembo Yakwe pamo na bantu. Kabili nomba ukwikatana capamo, ukuba abalanda cimo, umutima umo, nokutwalililapo ukuya kuli Lesa. Iyo e nshila iyo Lesa alefwailamo ifwe ukucita.

Nomba natupepe, twisule i Cebo.

³² O mweba waba Shikulu, ifwe tuli nomba mupepi nokupalamina ku Cebo cenu ica Maka, nangu ukubelenga kwa ici Cebo. Lekeneni Imwe mwe Mupashi wa Mushilo wesu mupilibule kuli ifwe ico ico tulekabila. Kabili lekeneni tulande Shikulu, nokucita no kwikala, ukwishiba ukutila tuli bana Benu, mukusenamina, nga fintu Imwe mwatwita. Lekeneni mube isenge muli cino ichalichi, ukumona ukutila ifwe tulifye mupepi nokufuma mucintu cimo icikalamba ukuya, tuleumfwa, ukuleta baka pyunga bambi abakuya mumabala umo, nga cakutula Imwe kuti mwantuma ukuya muncende isha lekana lekana isha mwisonde, mulya mukuya bika Icacetekelo, kabili ukukwata kapyunga uuli uwaipekanya kabili uwakabila, uwakanshiwa ukubula icifulo. Kabili lekeneni Icacetekelo ico panshita imo capelwe kubashila, ico naifwe natwimininako mubulamba, cibe icashinguluka monse mwi sonde. Cifikilisheni, Shikulu. Lekeneni pali ifi ifiko ifinono ifyakolonganikwa, nga fintu cali ubushiku bumu ilyo twabikile ici kuli Imwe, lekeneni pakeme ichalichi pano, Shikulu, ukutila ukufuma muli cena mukafume bakapyunga ba kasabankanya bakafundisha naba missioni, ukuya monse muncende shacalo.

³³ Tuleipusha muno lucelo, amapalo ayaibela pali Munyina na Nkashi Striker abalelwala nomba. Lelo ifwe bonse natwishiba ukutila bonse tulabikwa muli uku kweshiwa. Umwana onse uwisa kuli Lesa afwile akalipilwa, aeshiwa. Kabili nga twaibwelamo bwangu, nokubwelelamo, ninshi ifwe tuli abana bamucani, kabili tatuli abana bakwa Lesa. Peleni Munyina na Nkashi Striker impamfu na maka, ukwiminina pamulimo wabo uwancito. Nga cakutula bena balefwaya ukulomba ifyakulya ifyo bengalomba, lekeneni ukuboko Kwenu ukwamapalo kube pali bena. Pantu ifwe tatwaishiba cifwile ukuba ukupitila muli kulya ukubomba kwine ukutila Imwe mwingalangisha abekashi bamu Africa ifyo ubwina Kristu bwine bwine bwaba. Fikilisheni ico Shikulu. Nomba lekeneni cena cicitwe umwabela ubufwayo Bwenu.

³⁴ Paleni uyu kakumba, Munyina Neville. Twapepa, Shikulu, ukutila Mwalamupanga kakumba wa mukuni, nga fintu Imwe mwacita kunuma. Kabili tulabe umutemwikwa wakwe, umukashi wakwe umunono uuli umulwele nganshi. Umulwani kuti afwaya ukuleka Munyina Neville ukushala nalilya ibumba lyabana, ukabula nyina, lelo twaiminina nokubika, kuci cacetekelo, u Mulopa uwakwa Yesu Kristu pakati ka mulwani na nkanshi yesu. Lekeneni u Mupashi Wenu, Shikulu, ube uukalamba pali ena, ukwisiba ukuti abanakashi bonse balashikilwa ukupita muli uyu mukonko, uwa mfifi uwa nkulo ino, lelo twapepa ukuti Mwalaba na ena. Paaleni balya abana abanono. Ena ali uwa mwenso nomba, kabili uwabulanda, lelo lekeneni Mupashi wa Mushilo abe pa mwinshi waluse, panshita shonse, pali lulya ulupwa.

³⁵ Paleni ibumba lyaba cetekelwa, Munyina wesu Wood, kabili na Munyina wesu Egan, Munyina Roberson, kabili nabonse bambi, Shikulu. Ba dikoni, aba cetekelwa, na bonse abo ababombela pamo mu chalichi, twapepa, Shikulu, ukutila Imwe mwalabaleka bena ukubomba munshita yabo na bumu shilo no—nobulungami. Paaleni abo bonse, Shikulu, bonse ababomba munshita ishapitako. Kabili twapepa ukutila Mwalatwalililapo ukuba naifwe bonse, ukutila ifwe tuli nokwishibikwa nge chalichi caikatana, no Mupashi nokutemwa ukwakwa Shikulu. Twapepa ukutila Imwe nomba mwala akanya i Cebo kuli ifwe, ngefyo tulekabila, nga fintu twabelenga ukufuma mu Cebo Cenu icalembwa. Pantu twaipusha ici mwi Shina lyakwa Yesu. Ameni.

³⁶ Kabili mukupepa, Nacilatontonkanya nga fintu twacilapala nangu ukwipusha pama palo yesu aya nshita ino... ibumba lyesu ilipya ilyaba cetekelwa nefyaba ngefyo, Nacila tontonkanya pali Munyina wesu Fleeman na Munyina Deitzman nabonse abekele pano, abo ababomba bwino, kunuma. Kabili tulefwaya ukuba abatotela kuli Lesa pakubomba kwabo ukwakunakila. Lekeni Shikulu aleba pamo nabena lyonse, ukubapala bena nokubafwa. Ndefwaya ukubelenga lelo ilyo... Imwe ibukishenifye nomba, pa lyashi lyapa cipampa nafimbipo, kabili napa kulongana uko tukakwata.

³⁷ Kabili tuli abansansa ukuba pamo naifwe, muno lucelo... Ukuba, Ine limbi kuti nalanda icaba ngefi, umuntu uwaba umusuma kuli ine, munshita ishapita, kabili umusuma na nomba, munyin umusuma, Fred Sothmann, ukufuma... kabili umukashi wakwe, ukufuma ku Saskatchewan, Canada, uwishile pano mukulebela naifwe, mu calo cesu, umulebeshi; lelo mwi senge lyesu, munyina uwatemwikwa, Munyina Fred Sothmann uwikele palya. Ena eutungulula imilonganine yandi lintu Ndi mu Canada.

³⁸ Kabili umbi munyina umusuma uyo pamo uwaleikala ku Canada, uwali shimakwebo, kabili kuti ashininkisha ukutila iwe teti upele ukucila Lesa. Ena nomutemwikwa bapangile umufula uwakusanga impiya shabukule ishapa ncende, nangu imissioni yakufyalo fimbi, umufula. Kabili banjitile ku Oakland, mukulongana, kabili bena batile balikwete ulupiya. Bena bali nokutungilila muli conse, mu mufula wabo.

³⁹ Munyina Fred na Ine twaesesho ico pampiya shintu Munyina Fred akwete, ishi Ine nshinga bula nga umo. Eico nomba twatontonkenye ukuti ifwe tupele isho kubantu bamu Canada kabili tekubulapo nomusangulo, lelo cena tacabombele bwino. Ukulongana kwali bwino. Lelo pantu tatwabulilepo umusangulo... Ine nshilesakamana nangu ichalichi cingaba icalinga nemyanda yama billioni ama dolla, lelo imwe mucili ne nkongole, kuli Lesa, ukufumyapo umusangulo. Ico lubali lwamapepo. Kabili imwe mwaiba ico... Nga fintufye Ine naba ukukana pafya mpiya nefintu ifyaba kwati ngefyo, Nasangile

ukuti, lintu umuntu aba mucilubo, mufwile naimwe masumina ukutila muli mucilubo, pantu Munyina Fred na Ine twalicimona ukutila cena tacabombele bwino.

⁴⁰ Kabili, Munyina Borders, lintu Namushile Munyina Fred nokuya kulya ku Oakland kuli ena, Natile, “Taumfwile ukucita ico. Iwe ufwile ukupishamofye imbale iyakubikamo, nokusenda umusangulo, kabili, naconse ifyo cingaba, nokubika mu mufula obe ukulongana kumo ku ncende imbi.”

⁴¹ Kabili ilyo ukulongana takulaisalwa, Munyina Border naba cibusa bakwe baishile kuli ine, nokutila, “Lilya linefye ifwe twa—twabika mukulongana, ninshi kale naisendwa.”

⁴² Kabili nomba, inshiku ishinono ishapitapo, ena apangile ukupekanya kwa kulongana kumbi mu San Jose, Calofornia, umo akwete yamo, Nde elenganya amakumi mutanda nangu amakumi cine lubali ama chalichi yali mu mupoka poka, ayaficetekelo ifya lekana lekana. Fyonse fyalyumfwene, twalikwete ukulongana ukusuma, nokubwela nakabili, muli Cinshi kubili. Tuli abansansa ukuba naimwe pamo naifwe, Munyina Borders na Munyina Fred mwebekele kunuma kulya. Kabili aba abantu limbi beni kuli imwe bonse, lelo bena baliba ba munyina abasuma kuli ine mukubomba mwibala, ukwiminina abacishinka ku Cicetekelo ico ifwe twaimininamo. Lesa amipale, ba munyina. Tuli abansansa ukuba naimwe muno lucelo, mulinono, ihema ilyakale pano. Tamwaba nangu cimo ico mwinga kumbwako kuli lyena. Lelo palipo icintu cimo pano, ico, ifwe twaishiba ukutila Lesa ekala pano, imwe mwamona, eico ifwe tuli abansansa palwa ico. Kabili kuliko bambi ababwananyina abasuma, nga cakuti Nakwete inshita nga kuti nabalumbula, abo abali pamo naifwe ileelo.

⁴³ Nomba Nde enekela nokupepa ukutila munshiku ishinono ishalakonkapo, Shikulu nga atemwa, Ndefwaya ukuya ukumfwa uwatungululwa. . . Nshabilisha iyo. Ukulongana ukukakonkapo noki Ohio, ukuba pamo na Munyina Sullivan, pa ncende ya nkambi munshita iipi. Yena yabafye ba mailoshi kwati umwanda umo ukufika kulya, Ndetunganya, Gene, icintu cimo kwati ico. Bukabe ubulendo ubusuma, imwe tamwatantika palwa kutusha kwenu, nga cakutila Shikulu atwalililapo ukututungulula. Muntu umo umusuma nganshi, kabili tuletotela Munyina Sullivan, apakalamba. Fye. . . Ena emwine mushi wa mu musumba. Ena alifye ni mwine mushi uwafuminepo, kabili imwe mwebakalamba abakale abamu Kentucky. Ifyo efyonse fye ifyo Ningalanda palwa ena. Lintu Namukumenye ubushiku bumbi mu. . . Bonse twakushiwe mulya mwine mumpili shamu Kentucky. Atile kuli ine, “Bushe ucili naukwata ubulimbo ubuli mu mukoshi obe, Billy?” Nomba imwe mwalishiba ifyo—ifyo Kentucky yaba. Nomba natwisule mu. . .

Tekusula aba bwananyina bandi mu Kentucky pano, Munyina Jefferies, nabambipo. Ine ndi waku Kentucky, pamo, mwalishiba. Nalamweba icintu cimo ifyo twaba. Tatuli abamu Kentucky, nangu nangula ifwe ukuba abena America. Ifwe tuli balebesi kabili abeni. Tulefwaya Umusumba uuli nokwisa.

⁴⁴ Nomba mukubelenga, natubelenge mwi Buuku lya Kufuma, pali ba mineti abanono. Ndefwaya ukubelenga ukufuma mu chapitala 23, ne versi lya 20 ukufika ku 23 yonse capamo. Kabili Ndefwaya ukubula isambilisho muno lucelo, ukufuma kucaifi, kuli ici, ukucila: *Ukulubuka Kwa Pwililika*. Kabili Nshakokole, ukulanda, nomba ilyo Nacilalolela imwe ukwisula ama Buuku yenu na chapitala.

Moneni, Natuma Malaika kuli imwe, ukusunga imwe munshila, kabili nokuleta imwe ku ncende iyo Napekanya.

Mucenjele kuli ena, . . . munakile ishiwi lyakwe, mwimukalifya ena; pantu ena takelele ifilubo fyenu: pantu ishina lyandi lyaba muli ena.

Ndi uwashininkisha ukuti ulukuta nalwishiba untu uyu Malaika ali. “I Shina lyandi lili muli Ena.”

Kabili nga cakutila imwe icine cine mwa nakila ishiwi lyakwe, nokucita fyonse ifyo Ndelanda; nomba Ine ndi nokuba umulwani kubalwani benu, kabili necibambe kufi bambe fyenu.

Pantu Malaika wandi ali nokutangilila imwe, nokuleta imwe . . . kubena Amori, . . . abena Hitti, . . . abena Perise, . . . abena Kenani, . . . abena Hivi, kabili . . . abena Yebushi: kabili Nkabafumyako.

⁴⁵ Lekeni Shikulu apale i Cebo Cakwe ilyo tulelanda nomba pama mineti ayanono, nga cakuti mwapepa. Naletontokanya pali ili sambililo, ilya: *Ukulubuka Ukwa Pwililika*.

I Chalichi cabafye na bantu aba—abanono. Efyo cena lyonse caba, muli ba membala, mpaka Yesu akese. Lelo Cena cikala pesamba lya nshita shapelwa kuli Lesa. Nga cakitilafye ifwe twaishibe, ici e Chalichi cakwa Lesa wa Mweo; te Branham Tabernacle, lelo Branham Tabernacle yabafye ulubali lwa Ico. Kwalibako ama hema ayaba ifyo ukuya monse mu calo.

⁴⁶ Munyina Snelling, munshita yabushiku, alakwata umulimo walubatishi. Nalaba Munyina Curtis acinjeba ukubilisha ico, nangu anjebele mailo, ali nokukwata ico. Ena alakwata umulimo walubatisho. Kabili nga cakutila umuntu umo pano tatala batishiwa, nomba, mulandu nshi, Munyina Snelling aleba uwansansa ukucita ico, munshita yabushiku. Iyo ni Holiness Tabernacle pa Utica. Kabili Munyina Junior Jackson, mu New Albany. Kabili kulya kuli ama chalichi ayengi ukuya monse mu

calo. Lelo ifwe bonse tuli aba mweo, cilemoneka kwati, tuli kulubali ulwacimfiwa, ukucila, pakucepta.

⁴⁷ Nacumfwa Munyina Neville abilisha muno lucelo, kulya, ico caisafye ku mano yandi, ukuti abantu mukumoneka cilemoneka kwati balefumako ku kupusuka. Cilemoneka ukuba icintu cimo, ukuti, abantu bamwene cena, eico bena balecisunkilafye kulubali lumo, “Oh, ukuba, Lesa kuti acita ico.” Lelo iyo temicitile.

⁴⁸ Nomba, Mose, lintu aitulwe na Lesa, ali mucituntulu, mukupwililika kasesema.

Lintu Lesa atuma umuntu ukucita icintu icili conse, Ena mukupwililika alamupela ifisolobesho ifya fintu fyonse ifyo ena alekabila. Nga cakuti Lesa aita umuntu ukuba kashimikila, Alabikamo icintu cimo muli ena icakushimikila naco. Nga cakutula Ena amwita ukuba kafundisha, Ena alabikamo icintu cimo muli ena icakufunda naco. Nga cakutula Ena amwita ukuba kasesema, Ena alabikamo icintu cimo muli ena, icakumona ifimonwa kabili nokuba kasesema. Lesa lyonse mukupwililika alapela ifisolobesho ku muntu Wakwe.

Kabili ico bwino bwino fye eco Acitilefye lintu Atumine Mose ukuya mu Egypto. Amukushishe ena munshila imo. Kabili Ena amusambilishe munshila imo, kabili Amukulile ena, nokumupanga ena, nokumuwamya. Panuma Ena Alaile Abrahamu, imyaka amakana kunuma, ukuti Ena akapususha abantu, nomba Ena—Ena akwete mu mano icakuti Ali nokupanga Mose munshila Mose apangilwemo. Mose ali nokasesema uwapwililika. Kabili nomba, ukuba kasesema uwapwililika, nomba. . .

⁴⁹ Kwatifye niwe, iwe nga uli mwina Kristu, Lesa tapanga abena Kristu ababa citika. Lesa apanga abena Kristu abapwililika. Lesa tapanga bakashimikila ababa citika, lelo kashimikila kuti aba citika. Kabili Lesa apanga abana Bakwe ukub abena Kristu, lelo inshita shimo shimo baba abena Kristu ababa citika. Lelo tekufwaya kwakwa Lesa bena ukuba muli iyo nshila. Shena ninshila shabo ukuba ishasakana pamo nobutantiko bwakwa Lesa pa bumi bwabo, kabili iyo enshila iibalenga bena ukuba munshila babelamo. Lesa tafwaya bena ukuba abena Kristu baba citika, nangu ba kashimikila baba citika, ukumfwana kulubali lonse, nangu. . . Afwaya bena ukwiminina abapwililika abaololoka.

⁵⁰ Nomba, Mose, Lesa amupangile ukuba kasesema uwapwililika, pakupusuka ukwapwililika. Kabili Mose mukupwililika ali uwacimba mumaboko yakwa Lesa. Uyo wine emulanda camupangile ena ukuba mu musango abelelemo. Ena ali uwapwililika muli Lesa mpaka Lesa amucetekela.

⁵¹ Ndesungukuka muno lucelo, nga fwebena Kristu, nga cakutula twanakila ubufwayo bwesu, ukunakila pa lwesu

mukupwililika kuli Lesa, mpaka Lesa atucetekela nokutubika mucifulo cintu Ena atubikamo. Ndesunguka muno lucelo palwandi, nga cakutila Ine kuti naba uwanakila Lesa mpaka Lesa ancetekela, acetekela Munyina Neville, acetekela ibumba lyaba cetekelwa, ibumba lyaba dikoni, nangu ba membala ba mu chalichi cesu. Ifwe bonse twalikwata icifulo, kabili twalikwata umulimo.

⁵² Kapyunga alikwata icifulo ca mulimo, ukwiminina no kushimikila ubunonshi ubwashika ubwakwa Kristu, ukwabula ukulanshanya, nga aitwa ukuba kashimikila. Tekuti asunge icintu cimo ku muntu umo, nga aitwa ukuba kashimikila.

⁵³ Kabili membala wa chalichi, uwitwa ukuba membala uwa ili bumba limo, lyena ena tekuti alanshanye. Nga chalichi cacetekela ukutila tatulingile ukuteya injuka, lyena ulya membala talingile ukwikatako injuka. Tatwacetekela mu kunwa, afwile afumya umutwe wakwe umupwilapo ku kunwa. Nga tatwacetekela mukuteya injuka, nangu ukupeepa fwaka, membala uwa cino ichalichi takatale ukukumya icintu ca musango filya. Lesa alapela ukupokololwa ukwapwililika. Ilyo ifwe. . .

Ali nokucicita nga twaipela umupwilapo fwebene kuli Ena. Nga ifwe tuli no kuipela umupwilapo fwebene mu kuboko Kwakwe, lyena Lesa kuti aikala muli ifwe. Kristu, Isubilo lya Bukata, Ena kuti ailangisha Umwine ukufuma kuli ifwe ilyo tuleifumya fwebene mu nshila. Elyo amatontonkanyo yesu matontonkanyo Yakwe. Bushe kuti mwaelenganya Kristu ukupeepa fwaka? Bushe kuti mwaelenganya Kristu ukunwa, nangu ukuteya injuka? Nomba ngo mupashi wenu waba icilundwa ca Mupashi Wakwe, Alefwaya cena ukuba pa kulapila kwenu. Lelo mulasuminisha ciwa ukwisamo no kwisa senda icifulo. Kabili inshitafye yonse, mu mutima wenu, mukati mulya umwashika, namwishiba muli mucilubo ilyo mwacita filya fintu.

Kabili ilyo membala umo engalanda ukususha membala umbi, namwishiba cilya cilubo. Mwa ebwa ukupepela umo no munankwe, tekulanda ukususha umo no munankwe, lelo ukutemwana umo no munankwe. Kabili nga umo muntu ali panshi, lekeni tumwimye, ukumwafwilisha. Nomba, cilya cilatulenga ifwe i—i—i bumba ilya bacetekela. Nomba, ilyo twakana ukunakilacilya, lyena twakana ukunakila Lesa kabili twakana ukuseksha Lesa. Kabili e ico kanshi, i chalichi lyesu, abantu besu tekuti balunduluke, ichalichi tekuti litwalilile, ni pa mulandu tatwaikatana, capamo. Nge fy Yesu asosele, “Icitutumushi icinono cilatutumusha umukate.”

⁵⁴ Nomba, nga cakutila akabungwe ke chalichi, nangu kwati ba—ba dikoni, Kutu baisa nokusosa ukutila twali noku. . . ukutontonkanya ukutila tufwile ukukula ihema ilipya. Uku

nga ekusala kwaba Deacon, naba cetekelwa babepusha kabili tabakwete ulupiya lwakucicita, elyo bakwata nobutantiko bwa bukule ngefyo tukwete ubulecitika nomba. Kabili nomba catwalwa kwibumba lya cinkumbawile, ngefyo tufwile ukuba, ichalichi conse ukuba icamaka. Elyo nga ichalichi lyasala ukukwata i hema ilipya, lyena ifwe bonse tulingile twaampana capamo mu kukula lilya i hema ilipya.

⁵⁵ Mucine, nemwine, ilyo basosele pe hema ilipya, kuli ine, Nshasuminishenye netontonkanyo. Cilya cishinka. Natile, “Ifwe tatulekabila filya finefye ihema ilipya. Ine nalimo nalafuma pano ililinefye, ngefyo Shikulu. . . nga cena ifyo Ena anangisha caisa fikilishiwa. Cinshi ico tulekabila ne hema ilipya? Ifwe tatukwete indalama.”

⁵⁶ Elyo Naishile nokumfwa imyumfwile ya chalichi, ukutila ichalichi, mu bwingi, bamoneke kwati balecifwaya. Lyena cinshi Nacitile? Napele buli lambo amatontonkanyo yandi nemwine nokuiposa mukati pamo ne chalichi. Mucine, lekeni tucicite. Nga. . . Uyo emusango tusalilamo ifintu, iyo enshila cabelelemo munshita ya Baibele, inshila iyo icalichi lyasalilemo. U—ukuiteka, amabumba ya bantu, balesa capamo. Mukwampana mwiliba amaka. E ico, kanshi, Natile, “Mucine cine, nga ulya e musango ulukuta lufwaya, nga cilya eco Lesa alefwaya, Alikwata insambu ishing i sha kusala mukati ke bumba lyonse ilya bantu ukucila ifyo Aba kuli ine, pantu Nshikwete icimonwa cakutila tacilingile ukucitika.” Eico tuleiposa mukati ne chalichi, nokwendela pamo ne chalichi. Kabili Ndi kunuma ya cena, ukucita conse ico Ningacita, mwamona, ku kwafwilisha ichalichi.

⁵⁷ Cilya cilingile ukuba amapange aya bwina Kristu bonse kabili umuntu onse mu chalichi, niku ku yampanya fwebene nokwikala capamo. Icili conse ico ichalichi lisala, eco tufwile ukwimininapo. Elyo tusose, ngefi, u. . . ukukabila kwa kupilibula icintu cimo mu chalichi. Ukuba, kanshi, nga abacetekelwa balefwaya uku, u. . . umuntu umbi alefwaya ukucita, ba dikoni, bena balefwaya ukupilibula icintu cimo, ico cisa kwi chalichi, ichalichi nomba lyonse capamo. Kabili nga ilyesu—nga ilyesu itontonkanyo kuno lyamoneka ukuba ilyapusanako panono nefyo ichalichi lyonse lyasosele, lekeni tufumyepo lilye itontonkanyo, pantu ilya e nshilafye yeka iyo twingemininamo aba ampana. Kabili nga lino ichalichi lyatwalilipafoye ukuya munshila lileilamo nomba, nokuba aba ampana pamo, lesa ali. . . Tacikwete impela, ifyo Akacita, nga tukekala capamo. Tufwile ukwikala capamo. Ifyo efyo tulefwaya ukuba, abapwililika kuli umu nomunankwe, elyo kabili abapwililika mu maboko yakwa Lesa.

⁵⁸ Elyo tulingile ukukwata umuntu uo twacetekela uyo uushimikila i Cebo cakwa Lesa. Ngo muntu tacicita, lyena sendeni umuntu umu uyo uucicita cena. Ulya e musango tulingile

ukwiminina. Nga cakutila akabungwe kaba trustee takeminine ku cili icalungama, lyena mulimo wenu kukusala umuntu umo uyo uli no kwimininako cilya icili icalungama. Kabili lilya ilyo mwacicita, ikaleni na cena. Cili kuli imwe. Iminineni na cena. Kabili, bonse capamo, ifwe tuli aba kwiminina pa Cintu cimo, ulya ni Lesa.

⁵⁹ Nga membala apanga icilubo, mwi mukana. Mwafwilisheni. Mwimiyeni. beni capamo, kwateni ukumfwana umo nomunankwe. Ifyo Efyo Amalemba yasosa. Ilyo twapanga icilubo, lekeni tuleya kucinso cakwa Lesa. Libe tatulaya ku cinso cakwa Lesa, tufwile ukuya kumuntu uo tucenene.

⁶⁰ Nailingilefye ukucita cilya. Kabili Ninjishiba ukutila Nalipanga icilubo. Nalibepa, nalengele umukashi wandi ukubepa. Ndecetekela Nalimweba palwa cena, kuno ku chalichi. Cali ninshiku ishinono, tekale sana, caba nalimo imilungu mutanda iyapitapo. Ba ndubulwila balimbikile sana mubwafya, pamulandu wa uku ukufwailisha, mpaka Nafililwe ukwishiba bwino apo Nabelele. Nailefye ku ng'anda ukufuma mwi ofeshi, mukulya icakulya ca cungulo. Kabili inambala ilyafiswa lyatumine lamya, na Meda aile mukwasuka lamya. Abikile ukuboko kwakwe pali cena, atile, "Ni balya bashi cilye nakabili."

⁶¹ Natile, "Teti nkwanishe ukwiminina nacimbi icungulo. Umutwe wandi uleumfwika kwati ulefumako. Ndelufya ukuntontokanya kwandi, ukuntintilafye kuli iyi nshila, na kuli iyi kuli inshili, na kuli iyi inshila." Natile, "Teti nkwanishe." Kabili Nalitolweke, kabili Natile, "Bebe ati Nshili muno," no kubutukila kunuma ya nganda'.

⁶² Ilyo Nabwelele. . . Meda aliba uwaibukila nganshi kuli filya fintu. Ankumenye pa cibi, mupepi nokulila. Atile, "Bill, bushe cilya cali ecintu icalungama ukucita?"

⁶³ Namwishiba ifyo mwaba. Nalishiba ifyo Naba. Natile, "Mucine. Nshali muno lilya line." Nalishibe Lesa alinseka pali cena. Natile, "Nshali muno lilya linefye."

Atile, "Lelo iwe waciba muno ilyo ena acituma lamya."

⁶⁴ Cilya cungulo kasuba Naile mukupepela umwana umulwele. Kabili ilyo Nshilafuma pa ng'anda, lamya yalilile nakabili, kabili umunono Yosefe alibutwike no kwikata lamya no kusosa, "Taata, mulefwaya ine ukubeba ukutila tamuli muno?" Mulemona ifyo ulubembu lonaula, ifyo lwaba ulupwa ulo mukulekelesha?

⁶⁵ Yohane wa cimo, icipandwa ca 5, na versi ya 21, atile, "Nge mitima yesu taitetwebaula, lyena twalikwata isubilo muli Lesa." Lelo nge mitima yesu iletwebaula, musango nshi twingakwata isubilo muli Lesa? Twalishiba, epofye natukwata ulubembu ulo ulushilatumbulwa, Takatale ukutumfwa. Cilya cintu cakosa, lelo, cena cili—cena cili, ichalichi lilafwaikwa ifi fintu.

⁶⁶ Elyo Natendeke ukupepela uyu mwana. Kabili ilyo Natendeke ukubika indupi shandi pali ena, Shikulu ali njobawile no kusosa, “Walibepa ubufi. Iwe tauli uwalinga ukupepela uya mwana.”

⁶⁷ Nafumine kuli ulya muntu. Natile, “Mukwai, lolelenifye pano. Ninkwata icintu cimo econdingile ukulungika.”

⁶⁸ Natumine shicilye nokuya kwi ofeshi, namwitile mukati. Natile, “Moneni, mukwai, Nalibepa ubufi. Nalilengele umukashi wandi ukubepa. Atile Nshali mulya, kabili Nabutukile kunuma ya ng’anda.” Kabili Nalilapila pali cena no kumweba palwa cena.

⁶⁹ Aendele nokubika amaboko yakwe pa kubeya kwandi. Atile, “Munyina Branham, lyonse Nalikwata isubilo muli iwe, lelo Nakwata ukwingi ukucilafye na lyonse nomba, umwaume,” atile, “uuli uwaipelesha ukulungamika ifilubo fyakwe.”

⁷⁰ Nali mwebele, Natile, “Natendeke ukupepela akanya, kabili Shikulu kuti anjebaula fye, mu mutima wandi, pantu Nalishibe Nalicitile icilubo.”

⁷¹ Elyo, ubushiku bwakonkelepo, umukashi atile, “Nikwisa uko uleya?”

Natile, “Kulucengo lwandi.”

⁷² Kabili Nalile kulya kulucengo lwandi, pa mulu wa Charlestown, uko Naleyana, pa myaka. Nalingile mulya, kabili Nalipepele akasuba konse bulya bushiku, “O mwe Lesa, mwikaleka ine ukucita icintu nga cilya nakabili. Mumbele uluse, Shikulu, pantu ilyo Natendeka ukubika indupi shandi pa bantu abalwele, ukupepa, lyena Nalyebawilwe.” Mupepi na fili koloko mu cungulo, Nalifuma. Paliba icilibwe icikalamba icaikala palya. Kabili nalile pali cilye cilibwe kabili nalelolekesha ku kabanga, na maboko yandi mu mulu, ndelumbanya Shikulu. Kabili mwali tondolo nganshi mulya. Kabili Natile, “Shikulu, nga Mwalacitafye. . . Umuku umu Mwalipitile pali Mose, kabili atile cali ni. . . ilyo Mwamubikile mu lucengo lwa cilibwe, kabili camoneke kwati lubali lwakunuma ulwa mwaume.” Natile, “Bushe kuti Mwacitita nakabili, Shikulu? Leken nishibe ukuti Ni njelelwa.” Kabili Natile, “Nga Muli no kungafwilisha nokwisa mumano yandi. . .” Natile, “Shikulu, Nshili uwakosa nganshi, mu mano, pantu Nshakwata amasambililo.” Natile, “Kabili Nde—Nde esha ukubombela Imwe. Mwalishiba umutima wandi, kabili Nshacitile. . . Nga nshacitile cilya. Nshapilibwile ukucita cilya. Umutwe wandi waishile umfwikafye kwati walefumako, Nali uwamwenso nganshi, kabili Nacitile muli pele pele ilyo Satana anjikete.” Natile, “Nga Mwambelelo luse, lekeni mone Imwe, kanshi, Shikulu.”

⁷³ Lesa ukuba Kapingula wandi; ukuya fye kulubali lwandi, incende iinono mu fimpusa yatendeke ukulashinguluka nge Cipupu, kabili Caishilefye kulubali lwa lucengo ulo Nalimo,

kabili caile mulya ukupita mu mitengo. Oh, munyina, umutende uwacila pa kumfwikisha konse kwapitile pali ine, kabili Nali lilile. Nalilosheshe. Nalibilikishe. Ninjishiba imemba shandi shali elelwa. Mwamona, Nshali uwa ampama na Lesa, Nshakwete nokulubulwa ukwa mwana.

⁷⁴ Ine... Kabili ubushiku bwine ubwakonkelepo kwaliko umuntu ukufuma ku Chicago, uyo uwaba umuntu umukalamba, Katolika uwapilibulwafye, imishipa mu mutima wakwe yalifimbile kwati litumbo ilyapompwa mukati, kabili bena baleesha ukushiputula panshita ntali, bali nokucita, kabili ena tabalekele ukucicita. Mukulekesha aishilesanga ukulanshanya. Kulyo kulanshanya, ifwe twikala fye nakwena mpaka twasanga ico cili icalubana. Kabili umwaume tapapitile nenshinta apo aingililemo, mpaka Mupashi wa Mushilo abwelelemo ukupituluka mu bumi bwakwe no kulanda pa cintu cimo ico acitile ilyo ali umulumendo wa kucipailo mwi chalichi lya Katolika. Atile, "Ico cishinka. Ico e cishinka icapwililika." Atile, "Bushe ulepilibula cilya cali ukususha ine?"

Natile, "Cilya e cinshingwafye ceka ico Ningamona mubumi bobo."

⁷⁵ Abwelelemo nokuya eba dokota, atile, "Cisuma, bika ifintu ifintu capamo nomba, twalakwata ukubombelwa."

⁷⁶ Dokota atile, "Twalacencenta uyo umutima wakale nakabili." Kabili ilyo alolekeshe muli wena, atile, "Iwe taulekabila ukubombelwa." Mwamona?

⁷⁷ Nge mitima yesu iletuseka, tulefwaya ukupokololwa ukwapwililika. Tatulefwaya ukuba pakati ka nshila, ichalichi. Tulefwaya ukuba ichalichi lya cishinka nangu te chalichi nakalya. Tulefwaya ukuba abena Kristu abacishinka nangu abashili abena Kristu umupwilapo. Tulefwaya ukupokololwa ukwapwililika ukufuma ku misango yesu, ukufuma mu memba shesu, ukufuma ku kutontankanya kwesu ukwabipa, ukufuma ku micitile yesu iya bubifi, ukufuma ku mulekelesha wesu, fyonse ifyo twacita. Tulefwaya ukulubulwa ukwapwililika, pakutula ilyo abantu baisa muli lino ichalichi, ku kupepelwa, kukalababfye ili ibumba ilinono (limbi abashicilile no mwanda, nangu ibili) ukwikala kuno, lelo bena bakaba fye umupwilapo mu maboko yakwa Lesa. Kabili ilyo tulepepa, lyena Lesa ali no kumfwa ukufuma ku Muulu. Lesa alefwaya umuntu umo uo Engekata mumaboko Yakwe, umuntu umo uo Engasosa, "Nalicetekelamo. Kuti natuma ici, umubomfi Wandu umulwele, ku Branham Tabernacle ku Jeffersonville, kabili lilye bumba lya bantu lili pamo." Icintu cimo cili nokucitika.

⁷⁸ Cisuma, moneni ifyo Ena atucitila mu mibele iyo tulimo. Nifinshi ifyo Engacita nga twali aba mutima umo nokumfwana kumo? Inshilafye imo iyo twingacitilamo cilya, kwampanya imitima yesu capamo no kutemwa kwabu munyina, ukunakila

ababomfi be chalichi, kabili kakumba, kabili kakumba anakile Lesa. Elyo Lesa abombela ukupitila muli kakumba, ukupita mu kabungwe, ukwisa mukati ka chalichi, kabili bonse capamo mwaba icilundwa cimo ku Bufumu bwakwa Lesa. Lyena Lesa akomfwa, ngatwakwata ibumba ilya ampana pamo. Mwileka icintu cimo ukumucusha. Mwiba abasakamana pa cintu icili conse.

⁷⁹ Nomba, ulya e musango wa muntu uo Lesa asontele ku kusenda impanga. Mose ali uwapwililika, ali muntu uushalelanshanya. Nga kwali icimfulunganya nefyongo, nafimbipo, talelanshanya. Ifyo efyo Lesa aletufwaya nomba.

⁸⁰ Farao alefwaya ukusumia, atile, “Mose, imwe bonse kuti mwaya, kabili, lelo, mukasha abana benu kunuma, nangu ukusha ing’ombe shenu kunuma kuno.”

⁸¹ Ulya e musango kasebanya afwaya umwina Kristu ukwisa. “cikabafye bwino kuli ukuilunda kwi chalichi, lelo wikatala ukwelela Jones. Cikabafye bwino nga kuti waletamo ifyobe. . . nga kuti waya. . . Taulekabila ukuleka ukupeepa kobe, ukunwa kobe, ukubepa kobe, ukwiba kobe, ukusanga ifilubo kobe, ulwambo. Taulingile ukuleka ukucita ifyo. Kuilundafye kwi chalichi.”

⁸² Lelo Mose tali kalanshanya. Alefwaya ukulubulwa ukwapwililika. Atile, “Tatwakashe ibondo nangu limo kunuma. Tuli nokusenda fyonse ifintu fyesu, ilyo tukaya mukupepa Shikulu.”

⁸³ Ulya e musango ulukuta lulingile ukuba. “Ifwe twalasenda ubulungami. Ifwe twalasenda umushilo. Tuli nokusenda Mupashi wa Mushilo. Tuli nokusenda ibumba ilya ampana pamo ilyo tukaya ku cipailo. Tukaba ibumba lya cine. Tatwakashe nangu cimo kunuma. Tuli nokusenda fyonse. Takwakabe ibondo limo ukushala kunuma kuno.” Namwishiba, kabili abantu kuti bapepa mu musango uwa kutila mpaka kasebanya alingile ukulekelako.

⁸⁴ Ulya e musango Mose ne bumba lyakwe lyacitilemo. Bena baile kulya lubali no kuya pesamba lya Mulopa. Mwacimona, mpaka ukuba pesamba lya Mulopa, takwali ukulubulwa ukwapwililika. Mose, umwine, ali uwa ampana na Lesa, lelo Israele tayali. Mucili mwali ulubembu. Kabili bale ilishanya ukususha Moses, kabili batile, “Mulandu nshi, mulandu nnshi ico ucitila ici? Uleleta ubwafya ubwingi pali ifwe.” Pantu, Farao elo abalundilefye incito yabo iyakutama amatafwali, nafimbipo. Ulya ali ni Mose; ali umupwilapo mu maboko yakwa Lesa, uwalubulwa umupwilapo ukufuma kukucema impaanga, kuku cema impaanga shakwa Lesa. Ali uwalubulwa umupwilapo, umwine. Lelo abantu tabali abalubulwa, pantu kucili kwali ukuilishanya pakati kabo.

⁸⁵ Inshita imo iya bushiku ilyo Lesa asontele ukutila umwana wa mpaanga alingile ukwipaiwa, icipasho cakwa Kristu, kabili umulopa walitumpikwe muli hyssop, cisa, fyanifye (ifya yawe yawe, ifyaicefya), nokubika pa mulu wa cibi napa fipilala, ilyo elyo Israeli aishileba uwalubulwa umupwilapo, ukwabula ne bondo ukushala kunuma. Bonse balya abali muli bena balilubwilwe. Indupwa shabo, abatemwikwa babo, kabili ne fintu fyonse fyalilubwilwe ilyo baishile umupwilapo pesamba mulopa.

⁸⁶ Lilya elyo ichalichi likapokololwa umupwilapo, ilyo ifintu fyonse fikesa pesamba lya Mulopa. Ilyo imemba shenu shaisa pesamba wa Mulopa, ilyo ukupepa kwenu, ilyo ukuteya injuka kwenu, ilyo ukubepa ubufi kwenu, ilyo ukubepa kwenu, ilyo ifintu fyonse fileletwa pesamba lya Mulopa, lyena kukaba ukulubulwa ukwapwililika. Walufyanya umuntu umo, cilungike cilya. Teti ulete cilya pesamba lya Mulopa, tacakekale. Teti ulete cilya. Cimo icintu tacakamuleke ukucicita. Ilyo wemwine waba uwapwililika, waletwa umupwilapo pesamba lya Mulopa, kukaba ukulubulwa ukwapwililika; lyena imwe mukakwata ubuntungwa nge fyo tamwatata ukumonapo. Ilyo fyonse fyaletwa pesamba lya Mulopa, fyaletwa mukunakila ku Bufumu bwakwa Lesa, lyena kukaba ukulubulwa ukwine kwine.

⁸⁷ Yesu ali umupwilapo, umuntu uwapwililika. Alelila ngo muntu. Alelya ngo muntu. Alenaka kwati muntu. Alifye uwapwililika, umupwilapo umuntu, mu mibele Yakwe iya buntunse. Kabili mu Mupashi Wakwe, Ena ali umupwilapo, Lesa uwapwililika, eico Ena alengele umubili Wakwe ukunakila ku Mupashi uyo wali muli Ena. Mulemona, Ena alyeshiwe mu misango yonse nge fyo twaba. Ena ali muntu, te Malaika. Ena ali umuntu. Alikwete ifyakukabila nama tunko, ngefyo ifwe tukwata. Baibele itila Alikwete. Ali muntu, te Malaika uwacila pama tunko. Aba Hebere 1 yasosa, ukutila, “Ena ali . . .” Aba Hebere 1:4 yasosa, “Ena alengelwe uwacepesha ukucila ba Malaika.” Ena ali umuntu, umupwilapo umuntu; uo Lesa asendele umuntu uwapwililika, ukuleta ukulubulwa ukwapwililika, kabili Ali Mwiswishe no Mupashi Wakwe. U Mupashi wa Mushilo wali muli Ena, ukwabula umulingo. Kabili Ena alyeshiwe nge fyo twali. Kabili Ena ali ni Lesa umupwilapo. Alicishinikishe ilyo Aimishe abafwa, ilya Aiminike ububumbo, ba bamba abalebuluma nefimyela fya maka. Ilyo Alandile ku fimuti, kabili na fimbipo, bena bali munakile Ena. Ali ni Lesa, mukati. Kabili Ena nga ali umuntu, pantu Ena ali muntu, lelo Ena mukupwililika kabili umupwilapo ailubwile Umwine (ngo muntu) mu maboko yakwa Lesa, ku mulimo wakwa Lesa.

⁸⁸ Kabili Ena ecilangililo cesu. Ifwe tuli abaume na banakashi. Naifwe tuli bena Kristu. Nga Ena cakumwenako cesu, lekeni tuilubule umupwilapo mu maboko ya Mupashi wa Mushilo, pakutila twingaba abantu aba Bufumu bwakwa Lesa.

⁸⁹ Alifye umupwilapo umuntu; Alifye umupwilapo Lesa. Lelo Apele ifilundwa Fyakwe ifya bumubili ku Fyakwe... ne filundwa Fyakwe ifya buntunse, noku tontonkanya Kwakwe umwine, nemicitile Yakwe umwine, nefyakusakamana Fyakwe umwine, kabili, “Ncитайe filya ifisekesha Taata.” Mwacimone co. Ukulubulwa ukwapwililika ukufuma ku bantunse. Bashimapapo baishile kuli Ena, abaume abakalamba, kabili atile, “Kafundisha, *wakuti-na-wakuti*,” no kwesha uku Mutwala mu kwampana kwabo ne filonganino. Lelo Ali uwalubulwa umupwilapo pantu Alicetekele muli Lesa.

⁹⁰ Bushe Kamba talandile ukutila, “Imwe muli noku Mulubula, pantu Ena alicetekela umupwila muli Ine”? Mwamona? “Nkapokolola Umutemwikwa Wandi ukufuma kumbwa, pantu Ena alicetekela muli Ine.”

⁹¹ Ora imo ilyo twaisa kumpela ya lwendo lwa mweo, Ndecifwaya palwandi. Ninjishiba mulecifwaya palwenu. Ndefwaya Ena ukusosa, “Ndi nokumulubula ukufuma mu nsekete sha mfwa, pantu alicetekela muli Ine. Ndi nokumulubula ukufuma mu nindi, pa lucelo lwakubuka, ukumulubula umupwilapo, fyonse umweo, umubili, no Mupashi, pantu alicetekela muli Ine.”

⁹² Imilimo yonse iyakwa Yesu yali iyapwililika. Ifintu fyonse fyali ifyapwililika, ukupwililika, ukulubulwa. Ali lubwile umupwilapo uwafibashi ukufuma ku fibashi. Alilubwile umwanakashi uwakwete ubwafya bwa cilopa, ukufuma ku bwafya bwakwe. Alilubwile umupwilapo i sonde ukufuma ku lubembu, ilyo Afwile pa bushiku bwakukonsolwela. Alilubwile umupwilapo ulubembu lonse. Alilubwile i Chalichi. Eico tapali ukukabila kuli ifwe ukwikala ababulisha, abantu. Takuli ukukabila kuli ifwe ukwikala mu mibebe yacimfiwa, pantu Acimfishe ciwa no kubula ba mulopwe bonse na maka, nokubabika pesamba lya makasa Yakwe, kabili tabakwata nensambu ishasuminishiwa ishakuteka pali imwe. Tuli bena Kristu, abaisushiwa na Mupashi wa Mushilo. Tatulingile uku...ukukwata ciwa uwa kutweba ifya kucita. Kristu alitulubwile, ukulubulwa ukwapwililika; alitulubwile ukufuma ku bubifi, alitulubwile ukufuma ku lubembu, alitulubwile ukufuma ku misango, alitulubwile ukufuma mukulanda landa, alitulubwile ukufuma—ukufuma ku musebanya, alitulubwile ukufuma kumibebe yonse iyafintu ifya kowela. Ena alitulubwile umupwilapo no kutubika mu minwe Yakwe iya mushilo; ukwapwililika, ukulubulwa ukwapwililika.

⁹³ Ena alubwile amalwele yesu. Alitulubwile ukufuma kumalwele, pantu ifwe twalikwata icitupa ca bwine kuli cilya. Alleluya! “Pantu Ena afwantilwe pa mampulu yesu, mufipumo Fyakwe ifwe twalyundepwe.” Ena ni Kondapa wesu. Ulya e mulandu wine ulyo mubusu, umunono, umwanakashi umulwele, uwaleesha ukusunga umulume uwalefwa kwi

pwalonda, aile mu myulu Mukubapo kwakwa Lesa. Alikwete icicetekelo. Kabili ena. . . Ba Dokota balicitile fyonse ifyo benga cita, eico alikonkele amafunde yakwa Lesa no kupokololwa ukwapwililika.

⁹⁴ Abasambi balikwete ukupokololwa ukwapwililika, mucine ukulubulwa ukwapwililika. Cinshi? Pantu bena bali abapwililika kabili aba isushiwa umupwilapo na Mupashi wa Mushilo. Ilyo imwe, membalafye uwa chalichi no kuposhanya mu minwe yakwa kakumba, nangu bamo. . . balikwete ukwishiba kumo ukunono ukwa kutoloka, ukubilikisha, nangu ukulandila mu ndimi, nangu icintu cimo cimbi; kabili ucili naukwata umufulo mu mutima obe, imicitile iyaiubela, ukubepa ubufi, ukupepa fwaka, ukukumbwa abanakashi; kuliko icintu cimo icishilati cicitike na nomba. Kuliko icintu cimo icalubana. “Pantu uyo watemwa isonde, nangu ifintu fya mwi sonde, ukutemwa kwa kwa Lesa takwaba muli ena.” Imwe mwalihebwa. “Ku fisabo fyabo mukabeshiba.”

⁹⁵ Ifwe bonse tulefwaya ukuba abaikatana capamo, na Mupashi wa Mushilo. Cila membala alingile ukuikatanya, umo no munankwe. Ukutemwa kwakwa Lesa kwalilambalikwa mu mitima yesu, ku Mupashi wa Mushilo. Kulatusamba ukufuma kukukana lungama konse. Twalilubulwa ukufuma ku fintufye sonde. Yesu atile, “Ici abantu bonse bakeshiba ukutila muli basambi Bandi, ilyo mwakwata ukutemwa, umo ku munankwe.” Ilyo membala umo atemwa membala umbi nganshi ukutila kuti afwila na pamunankwe.

⁹⁶ Ilyo icintu cimo icabipa catampa, isonde lya kunse, bamo pa banakashi balesa nokulanda, “Nomba, lolesha, we mutemwikwa. Cena kuti cawama kuli iwe nga wacitile *ici*, nangu ukucita *cilya*, wafwele *ici*, nangu ukucita *cilya*, nangu ukucite *ci*, kabili ukutalukako kuli lilye bumba lya bakakunkuluka wa mushilo,” nangu na fimbipo nga filya, ifwe tuli abaikatana nganshi na Lesa!

⁹⁷ Mutila, “Ukuba, Munyina Branham, bwesho ubwabipa.” Lelo Kristu afwilile pali ulya umulandu. Ciwa nacimfiwa. Tulefwaya ukulubulwa ukwapwililika. Tulefwaya icalichi ilya buta kabili ilyabusaka kabili ilishakoweshiwa, kabili ilyasambwa mu Mulopa wa Mwana wa mpanga, kabili ilyaisushiwa na Mupashi wa Mushilo, ne fishibilo ne fipapwa ne fisungusho. [Tapali amashiwi pali tepu—Kale.] . . . ukulubula bonse umupwilapo. [Tapali amashiwi pali tepu].

⁹⁸ Mwebasuma Lesa, Tamusenda ifintu kanofye fyaba ifyalubulwa umupwilapo. Imwe tekuti mupokelele ilambo ne cibala pali lyena. Imwe tekuti mupokelele i pepo, ukutila kwaliba ulubembu mukati ka bumi bwa ulya muntu. Imwe te kuti mucicite fye, Shikulu. Imwe tamwacicitile mu nshita ishapita, kabili tekuti Mucicite ileelo. Lelo ilambo lilingile

ukuba ukwabula icibala. Shikulu Lesa, ilyo twaibika fwebene pa cipailo, ubumi ubwapelwa ilambo, buleni muli ifwe, O Shikulu, fyonse ifibala fya lubembu. Ndebika umupwilapo umweo wandi, kabili umubili wandi, na maka yandi, ukubomba kwandi, ne chalichi muno lucelo, pa cipailo. Tusangululeni no Mulopa Wenu, kabili tubeleleni uluse pa lubembu lonse ulo twacita. Kabili lekeni u Mupashi wa Mushilo uukalamba nganshi ukwikala muli ifwe, no Kubapo Kwakwe kuye pamo na ifwe ukufuma muno mwi hema muno lucelo, ukutila twingshiba pakati kesu ukutila Alitwelela. Lyena ipepo likaba, “Tweleleni pa kulufyanya kwesu ilyo tule elela abo abatulufyanya.” Cipeleni, Shikulu.

⁹⁹ Beni Imwe mupepi naifwe nomba, tupaleni nokutusunga mpaka tukumane nakabili mukulongana kwa cungulo. Lekeni twisemo neminwe iyabusaka no mutima uwabuta, ifyo Tamwakakane, pantu tulefwaya ukwapwililika kabili ukulubulwa umupwilapo ukufuma ku cintu icili conse, Shikulu, cilya kuti catucingilila ukukanaba ulubuuto ulwe sonde; inyali iishabikwa pa culu, apabala icakukupikapo, lelo inyali iyabikwa pa culu, iyo ipela ulubuuto ulwaktungulula amakasa ya bantu mu nshila ilya iyalungama. Peleni ici, Taata. Twalombela cena mwi Shina lyakwa Yesu, kabili ku Bukata Bwakwe. Ameni.

¹⁰⁰ Nalaipusha Doc...Ndetontonkanya ali kunuma kulya, nangu umo pali ba dikoni epo ali. Ukutila i chalichi limbi kuti cabelenga ici, Doc, isa ubike ici pa cipampa ce lyashi pakuti ichalichi cinga cimona ilyo balefuma. Kabili lyena Munyina Collins, nga ena ali muno...Bushe Munyina Collins emo ali? Mupeni ici cimbi.

¹⁰¹ Kabili, cilifye bwino, mukwai, kabili twalamona cinshi... [Munyina Branham abelenga icilembelwe—Kale.] Cena muntu umo uulefwaya ukulanshanya. Cilya lyonse cilapelwa. Ifwe tuli abansansa.

Kabili Ninkwata ukulanshanya. Mulemona, icintu ico mulingile ukucita kutuma inambala yesu kunse kulya. Twa—twalikwete ubwafya ubukalamba nganshi ku ng’anda, chalichi naci bwishiba. Aba beni. Chalichi nacishiba palwa ici. Kufwile kwaba akapimfya akanono ukubikwa...Ndi nokukabika muno mu chalichi, pamo, ku bantu abakalaise. Mulemona, kuli abengi nganshi, abo teti tusakamane bonse, ilyo baleisa fye ku mpendwa. Mwamona? Kabili ifwe...Nga mukatuminafye BUTler 2-1-5-1-9, BUTler. [Inambala ya lamya yalicinja—Kale.] Kabili uuli onse uwa ba membala uyo uumona uuli onse uulefwaya, Ine lyonse ndaba uwansansa ukumona abantu. Lelo ifwe twalikwata imibombele ya lyonse. Kwaliba bamo abaitwa kale, abengi, mwamona. Kabili twisafye, umo na umo, ilyo twisa. Lyena kulaba...Kwali, twakwetefye icintu icapala icabula ukubikwa bwino icintu, inshila iili yonse, ukutoloka, ukutolauka, abantu baile kumayanda abaumfwa ububi nefintu

fyonse. Nomba balikwata ifintu fyonse mu butantikofye. Kabili cilya eco tuleesha ukulandapo nomba, mwamona, ukubika ifintu fyonse mubutantiko, ukupwililikafye.

Kabili Nkaba uwansansa ukumona ili bumba ilisuma, nga bakatumafye BUtler 2-15-19 (1-5-1-9), kabili Mista. Mercier nangu Mista. Goad, umo, ali no kwasuka lamya no kumweba filya finefye ilyo mwingakwata ukulanshanya. Twalikwata incende kunse kulya, iyakwata ifipupa umwela, kabili uwaiteyanya ukupokelela abantu nokubapepelako. Ifwe tulifye abansansa ukucicita.

¹⁰² Nomba, umulandu Nshishila ku chalichi, abantu batontonkanya ukutila Ndesha ukutaluka ukufuma ku bantu; tefyocaba. Nde esha uku-ukuba filya finefye mumutande. Mwamona? Efyo Ndefwaya ukuba, tekulangishafye umucinshi wa muntu. Cila muntu, uuli onse, ukuli konse, inshita iili yonse, mwamona; ilangi, icisumino tacakwatapo nangu cimo icakucita na cena. Tulesa kuno kwine nokukumanya abantu. Kabili nga nabakwata ukukabila, tulekala abalungama na Lesa mpaka cabombeka. Nga balefwaya ukwishiba icili conse pa kulongana, emukwai, tulacibobelapo nokucibika. Kulya e kutungululafye ukwa Mupashi wa Mushilo. Kabili filya. . . Ilya inshila, Ndetontonkanya yabafye, icitafye umuntu onse filya finefye cimo cine. Eico, takwaba ukucindika umuntu, takwaba umucinshi.

¹⁰³ Bushe kuliko abantu abali bonse abo abeshile mukupepelwa, muno lucelo, abali abalwala kabili balefwaya ukupepelwako? Cisuma. Takuli.

Kanshi lekeni ulwimbo ulusuma ulwa. . . paku shinshimuna. Nilwisa twingemba luno lucelo? “Cinshi cingafumyapo ulubembu lwandi?” Walilwishiba, Teddy? “Tapali lelo Mulopafye uwakwa Yesu.” Cinshi cinga. . .

[Nkashi alanda kuli Munyina Branham—Kale.] Cisuma, mukwai. Mulefwaya ukumupepelako nomba?

Nalapepelako ulya namayo. Bikeni amaboko pali uyu mwanakashi pano. Bushe kuti mwakontamika imitwe yenu pamo na ine, lyena, mumutalalila nomba.

¹⁰⁴ Mwe Lesa, kuliko na mayo uyo uulwele nganshi. Nkashi yesu naimya umubili wakwe, nangu kusendafye ipwalonda ukufuma kuli bambi, ukwiminina mumupokapoka, ku bantu bambi. Lelo Imwe mulamupokolola ukufuma kuli cilya, Shikulu, inshiku ishinono ishapitapo, ilyo filya fintu fyaishibikwe. Mwamulekelefyeye ukufishiba, umwine, lyena, Shikulu, ali nokwishiba ukutila cifuma kuli Imwe. Nabika amaboko yandi pali ena, nokulomba inkumbu pali ulya umbi umwanakashi uo aleiminako. Lekeni ukusenamina kwa kwa Lesa, Amaka ya Mupashi wa Mushilo. . . Muli ububi ubuli bonse mu mitima yesu, Shikulu, busokololeni kuli ifwe, pakubala, elyo twalaya,

cilungamikeni. Lyena twalaishiba ukutila natukwata ububile na Lesa, natukwata umutende na Lesa, tulepokelela ico tulelomba, pantu tatukwete ukusekwa. Cipeleni, Shikulu. Mwi Shina lyakwa Yesu Napepa. Ameni.

Cisuma.

Cinshi cingansamba imembu shandi?
 Tapali kanofye u Mulopa wakwa Yesu;
 Ni cinshi cinganenga ukupwililika nakabili?
 Tapali kanofye u Mulopa wakwa Yesu.

Oh, ifyo waba uusuma umukuku
 Unenga ukuba uwabuta nga menshi makasa;
 Takuli akafukauka kambi Naishiba,
 Tapali kanofye u Mulopa wakwa Yesu.

¹⁰⁵ Nibanga abaleumfwa ukutila imembu shenu shonse shili pe samba Iya Mulopa? Leken twimbe lwena na maboko yesu mu mulu nomba.

Cinshi cingansamba imembu shandi?
 Tapali kanofye u Mulopa wakwa Yesu;
 Ni cinshi cinganenga ukupwililika nakabili?
 Tapali kanofye u Mulopa wakwa Yesu.

Nomba ilyo tuleponya amaboko yesu, lekeni tuposhanye mu minwe.

waba uusuma . . .

Ico nacilungama, ukushinguluka fye.

. . . ukubuta nga menshi makasa;
 Takuli akafukauka kambi Naishiba,
 Tapali kanofye u Mulopa wakwa Yesu.

Mwali Mutemwa? Ameni.

Oh, ifyo Natemwa Yesu,
 Oh, ifyo Natemwa Yesu,

Nomba ikaleni na cena, nomba. Cila muntu aikatilile kuli Lesa.

Ifyo Namutemwa Yesu,
 Pantu Ena abalilepo ukuntemwa.

Nshakatale ukumusha . . .



UKULUBUKA KWA PWILILIKA BEM59-0712
(A Total Deliverance)

Iyi Mbila na Munyina William Marrion Branham yaletelwe intendekelo mu Cingeleshi pa Mulungu ulucelo, Cikungulupepo 12, 1959, pa Branham Tabernacle mu Jeffersonville, Indiana, U.S.A., yafumishiwa muli tape iyambulwa kabili nalilembwa ukwabulo ukulundamo mu Cingeleshi. Uku ukwilula kwa mu Cibemba kwa lembelwe no kupelwa na ba Voice Of God Recordings.

BEMBA

©2023 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Icishibisho ukufuma ku mwine kalemba

Insambu shonse tashisuminishiwe. Ili buku kuti lya lembwa pali pulinta yapa ng'anda ku kubomfya kwa muntu pa lwakwe nangu ukupela, ukwabula amalipilo, nge cipe caku sabankanya Imbila nsuma iya kwa Yesu Kristu. Ili buku tekuti lishitishiwe, ukulembululwamo ayengi, ukubikwa pa mwela, ukusungila muli ba mashini, ukwalula mu ndimi shimbi, nangu ukuli bomfya ku kulomba indalama ukwabula insambu shalebwa na ba Voice Of God Recordings®.

Nga mulefwaya ukwishibilapo nafimbi nangu ukufwaya na fimbi ifyabapo, twalomba tumeni kuli ba:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org